



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CDLV. Bischof Georg von Lebus bestätigt eine Stiftung der Leinweber zu Frankfurt, am 25. Januar 1537.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

in vnser Stadt Franckfurdt an der Oder, am montag nach vndecim milium virginum, Christi vnfers lieben hern geburt Tauffent Fünfhundert, darnach jm Sechs vnd dreißigsten Jare.

Nach dem Originale des Stabtarchives II, 1, 14.

CDLV. Bischof Georg von Lebus bestätigt eine Stiftung der Leinweber zu Frankfurt,
am 25. Januar 1537.

Wir Georg, von gots gnaden Bischoff zu Lubus vnd Ratzeburg, Bekennen vnd thun hiemit khundt öffentlich gegen allermenniglich, die diesen vnfern Brieff sehen, horen oder lesen. Vñ das vnd damit die dingk, so von menschen lobelich gescheen vnd vfgericht werden, aus menschen gedennen gar vnd gantz in vergessenheit vnd vnwissen der nachkommen nicht verfließen vnd kommen, Sunder vermittelt schriftlicher vrkunde vnd gezeugnus zu ewigem gedechtnus behalten vnd bestetigt werden mugen, Das solchem nach die Erlamen, vnser lieben Besundern, die guldenmeistere, Elderleutte vnd gemeine Handwercker der Leinweber zu Franckfurdt vor vns in vnserm Bischofflichen Hause vnd Szale zu Lubus erschienen seindt, erzellende, wie sie aus milder andacht, vmb Ire vnd Irer voreltern Selen seligkeit willen, zu Erhen, lob vnd preiß got dem almechtigen, marien seiner Hochgelobten mutter vnd dem gantzen Himmeliſchen Here, auch allen chriſtgleubigen Szeelen vnd zuvörderst denen, so aus demselbigen Handwercke verſcheiden oder noch zukunfftig in got versterben werden, zu Heil vnd troſte ein neue Lhen zu latein Secundum Ministerium, das ist der ander dienst genanth, auf des predigers Altar in der pfarkirchen vnser lieben frawen zu Franckfurdt, nehest bey dem Heiligen Hochwirdigen Sacrament vnd dem eingange des Chors gelegen, In die Ehre der Hochgelobten gebererin vnser selichmachers vnd Junckfrawen marien auf drei ewige messen ider wochen, als von vnser lieben frawen eine vnd ein Requiem vor alle chriſtgleubige Szeelen vnd von dem Heiligen Creutze oder Bitter leiden vnser lieben Hern Jhesu Christi Die Dritte, von dem besitzer des Lhens, welcher auch deshalb bey Inen dha stets zur stette sein vnd whonen soll, zu yder zeit zu halten vfgericht, gestieft vnd fundiert, Dasselbe auch mit geistlichen Heuptsummen, Zinsen vnd Renthen, als nemlich Sieben vnd Siebentzig Schock mercklicher wherung Heuptsum an gelde mit sampt zweien kleinen Weinbergen, vngeferlich zwei morgen Landes haltende, welcher einer zwischen Peter Hoen dorffs vnd Brose beckers weinbergen vnd der ander zwischen Casper Bauwers vnd Brose küben weinbergen, vor falckenhagen gelegen, sampt iren brunnen, vnd wesen vnd sunst noch andert halbe morgen Ackers vor dem grossen weinberge daselbst Durch weilandt Jurgen moller vnd annen, sein eheliche Hausfrwe, zu Franckfurdt zum teile darzu bescheiden vnd geben worden, dotirt vnd begabet vnd ferrer dem Altaristen zu gute solch benante Heuptsum vñ Jerlich Zinse, wie die verſchreibungen oder sunst andere vrkhunde oder Caution, darüber vffgericht, solches ferrer nachweisen vnd bezeugen, ausgethan haben vnd zukunfftig, so oft er sich dermassen mher damit begeben wirdt mit wissen vnd willen, zu ider Zeit des Altaristen aus thun wollen vnd sollen, das er sich derſelbigen zugebrauchen vnd zugenießen, Doch sol derſelbe altarist dem pferher, so zu igli-

cher Zeit zu Franckfurdt sein wirt, Jerlichs ein halb schock mercklicher wherung Restaurum da-
 von zu geben schuldig sein vnd auch yedes Jars vff Martini vnweigerlich geben vnd entrichten,
 aber die wachsliechte, so er vnd sein nachkommen vf den selbigen altar vnd zu den angezeigten
 Messen das Jar vber bedorffen werden, sollen die Leinweber vnd Ire nachkommen, als die pa-
 tronon, denen die leihung desselbigen lhens zuftendigk vnd ewiglich pleiben soll, darzu verschaffen
 vnd halten. Vnd haben vns die Ehegelmelten guldemeister, Elderlewte vnd gemeine Handwerker
 Leinweber hieruff demutiglich Bittende erfucht, wir als der Ordinarius solch ir wolmeiniglich
 Christlich furhaben vnd Stieftung des Lhens Secundum Ministerium, den andern dienst genant, vff
 berurten altar mit sampt den obangezeigten weinbergen, ackere, wesen, Heuptsummen vnd Zinsen,
 auch den, so in zukunfftigen Zeiten durch sie oder andere mildiglichen mehr dartzu gegeben oder
 gekaufft werden, vermittelt vnsern Bischofflichen gewalt nach der allerbesten form vnd weise zu
 bewhern, geistlich zu machen vnd vnter vnsern geistlichen schutz, gerechtigkeit vnd freiheit konnen
 zulassen vnd zunhemem geruchen. Des wir angefehen ir zimlich bitt vnd wolmeiniglich gemiethe,
 so sie zu mherung gotliches dienstes vnd vnterhaltung der kirchen diener tragen, vnd haben auch
 verschaffung der Christgleubigen Heil vnd trost vnd haben solch ir wolmeiniglich furhaben vnd
 stieftung des Lhens secundum Ministerium mit seiner zugeeigenten Donation zu Befundern gueten
 gefallen angenhomen: Nhemem an, Confirmiren, bewhern vnd bestettigen hiemit in oder aus craft
 vnser ordentlichen Bischofflichen gewalts solch obenberürte Stieftung des Lhens, secundum Mini-
 sterium genanth, vf den ehagemelten altar, in der pfarrkirchen vnser lieben frawen zu franck-
 furdt gelegen, vnd derselbigen Hochgelobten gebererin vnser seligmachers vnd Junckfrawen
 Maria zu befundern ehren vfgericht mit sampt den ergemelten dreien Messen vom Besitzer dessel-
 bigen Lhens, so itzet ist vnd zukunfftiglich sein wirt, welcher deshalben auch dha, wie vorange-
 zogen, personlich zur stette sein vnd whonen sol, wochlinges zu halten. Ferrer nhemen wir auch
 die vorbenante weinberge, acker, wesen, Heuptsumme vnd Zinse, auch die oder alle das Jenne, so
 zukunfftig mildiglich mher dartzu wirt gegeben oder gekaufft werden, in der allerbesten mafs,
 form vnd weise, wie es zum Rechten bestendlichst vnd crefftigst geschehen mag, sol vnd kan, In
 vnserm geistlichen schutz vnd schirm, wollende, das sie hinfur zu ewigen gezeiten geistlicher guter
 freiheit haben vnd behalten sollen; Derhalben soll sich kein mensche diese vnser vber solch Lhen
 oder stieftung Secundi Ministerii des andern Dinstes vnd seine zugeeigente Donation gegebene
 Confirmation vnd bestettigung, als ein lobelich gotlich werck, zu hindern oder freuentlich eintrag
 daran zu thun, bey vermeidung gotlichen vnd seiner heiligen Apostel Zorns vnd vnserer straff vn-
 derstehen. Ferrer wollen wir auch, das diese Confirmation vnd bestettigung an vnser vnd vnser
 kirchen priuilegia vnd gerechtigkeit kein abbruch oder Hinderung thun vnd geben soll. Des
 zu vrkhundt haben wir Bischoff Georg obgemelt vnser Ingesiegel hieunder an diesen Brieff
 wissentlich lassen hangen, der geben ist zu Lubufs, am tage Conuerfionis sancti pauli, nach Christi
 vnsern Hern geburt im funffzehenhundersten vnd Sieben vnd dreiffigsten Jhare.

Nach dem Orig. des Stadtarchives VIII, 3, 87.